

## Reglament per contribuziuns finanzialas da la Lia Rumantscha

### 1. Criteris per inoltrar ina dumonda da contribuziun

#### 1.1. Projects da cultura, projects socioculturalis e projects da la cultura populara

La LR sustegna projects rumantschs da tut las spartas artisticas e projects interdisciplinars.

Il project duess ademplir ils suandants criteris:

- cuntgnair in aspect rumantsch ch'è relevant per il project
- vegnir communitgà en rumantsch u a moda bilingua uschia ch'il project vegn percepi sco project (era) rumantsch
- esser artisticamain relevant
- esser innovativ entaifer la sparta
- mussar in svilup entaifer la biografia da l'artista / da l'artist

Projects socioculturalis e projects da la cultura populara cun in cuntgn rumantsch ston en pli:

- avoir in'impurtanza particulara per la regiun, en la quala il project vegn realisà
- far ina punt al temp dad oz per mussar l'impurtanza dal tema en il temp odiern (quai vala per projects cun in cuntgn tradiziunal)

#### 1.2. Projects linguistics

La LR sustegna projects linguistics cun in cuntgn rumantsch u cun in aspect rumantsch relevant. Da quest champ fan part p.ex. publicaziuns e translaziuns.

Contribuziuns als custs da stampa ed a la producziun conceda la LR per:

- publicaziuns rumantschas (cudeschs, discs cumpacts cun aspects rumantschs er en il booklet, multimedia)
- publicaziuns che tematiseschan il rumantsch


#### 1.3. Projects da furmaziun

La LR sustegna projects da furmaziun cun in cuntgn rumantsch u cun in aspect rumantsch relevant.

#### 1.4. Exclusiuns

En il sector cultural na sustegna la Lia Rumantscha betg:

- represchentaziuns da cuntgns existents (p.ex. la represchentaziun da chanzuns rumantschas per chors)
- gaschas da bands rumantschas engaschadas da festivals



- prelecziuns dad auturas rumantschas ed auturs rumantschs en il rom da festivals
- programs da la stagiun da chasas da cultura
- custs da gestiun dad instituziuns culturalas
- translaziuns da tocs da teater

En il sector da furmaziun na sustegna la LR betg:

- incumbensas dal maun public
- custs repetitivs
- lavurs da diplom

## 2. Inoltraziun

Projects pon vegnir inoltrads da tut temp. Il project sto dentant vegnir inoltrà almain quatter mais avant sia realisaziun ed uschia ch'ina menziun en tut las mesiras da communicaziun è anc pussaivla. Ex: cudesch avant la stampa, festival avant l'emprim stampat, dc avant la stampa dal booklet, ect.)

La LR respunda entaifer quatter mais.

Igl è da resguardar ils criteris d'inoltraziun e d'exclusiun.

### 2.1 Dossier


La brev accumpagnanta sto vegnir inoltrada per rumantsch, il dossier da project cun preferenza per rumantsch. Il dossier duess cuntegnair ils suandants elements:

- brev accumpagnanta (sche pussaivel cun inditgar la contribuziun da sustegn en mira)
- descripsiun curta dal project
- descripsiun da l'aspect rumantsch dal project
- indicaziuns davart las purtadras ed ils purtaders dal project / las personas participadas
- plan da termins / ils lieus d'occurrentza
- budget e plan da finanziaziun cun indicaziun dal import giavischè da la Lia Rumantscha
- persuna da contact
- conto da pajament (IBAN)

Per projects culturals e socioculturals duai il dossier cuntegnair ulteriuramain:

- biografia curta da l'artista / da l'artist
- impurtanza dal project per la regiun, en la quala il project vegn realisà
- definiziun dal public en mira
- impurtanza dal project per il public en mira

Per projects da publicaziun è giavischè ultra da quai in extract dal text.



Lia Rumantscha

### 3. Contact

**Las dumondas pon vegnir inoltradas via convenziunala u via posta electronica:**

Lia Rumantscha, Via da la Plessur 47, Chascha postala, CH-7001 Cuira, info@rumantsch.ch

**Adressa da contact en cas da dumondas:**

Lia Rumantscha, Via da la Plessur 47, Chascha postala 401, CH-7001 Cuira

Gianna Olinda Cadonau

info@rumantsch.ch

tel: +41 (0)81 258 32 22

### 4. Decisiuns

Davart l'attribuziun da las contribuziuns da sustegn decida la suprastanza da la Lia Rumantscha.

Las decisiuns na ston betg vegnir motivadas ed ellas na pon betg vegnir contestadas.


Ils projects sustegnids vegnan publitgads en il rapport annual e sin la pagina-web da la Lia Rumantscha senza inditgar la summa da sustegn concedida.

### 5. Entrada en vigur

Il reglament entra en vigur cun l'approvaziun da la suprastanza ils 27 da schaner 2021.

Lia Rumantscha

  
Johannes Flury  
president



  
Andreas Gabriel  
secretari general a.i.

Cuira, ils 27 da schaner 2021